



USAID
OD AMERIČKOG NARODA



Sarajevo, februar 2016

POZIV ZA USLUGE ANALITIČKOG KONSULTANTA Antikorupcijska mreža u Bosni i Hercegovini (ACCOUNT)

1. UVOD

Centar za razvoj medija i analize (CRMA) kao nositelj i INFOHOUSE kao glavni partner programa Antikorupcijska mreža u BiH – ACCOUNT, koji je finansijski podržan od strane Američke agencije za međunarodni razvoj (USAID), pružaju tehničku, savjetodavnu i aktivističku podršku organizacijama civilnog društva u njihovom djelovanju na prevenciji i borbi protiv korupcije u javnom sektoru u Bosni i Hercegovini (BiH) od 2012. godine. ACCOUNT je neformalna mreža koju čini preko 70 organizacija civilnog društva, institucija sistema, medija i pojedinaca.

U nastavku aktivnosti u periodu od 2015.-2019.g. ACCOUNT će raditi na zagovaranju inicijativa za uvođenje efikasnih mehanizama za borbu protiv korupcije u projektnim sektorima, kao što su: javne nabavke, zaštita zviždača, zapošljavanje u javnom sektoru, zdravstvo i obrazovanje. Pored programa usmjerenih na javno zagovaranje, ACCOUNT učestvuje u uvođenju antikorupcijskih politika i procedura koje su konzistentne sa nalazima članica Mreže o koruptivnim postupcima u projektnim sektorima. Istovremeno, ACCOUNT koordinira aktivnostima svojih članica u monitoringu i izvještavanju o korupciji i podizanju svijesti javnosti o ovoj kompleksnoj problematici.

U fokusu programa ACCOUNT-a je i analiza postojećih antikorupcijskih zakona sa akcentom na zakonska rješenja koja se odnose na zaštitu lica koja prijavljuju korupciju u institucijama na državnom i entiteskom nivou („zakoni o zaštiti zviždača“).

Postupak podnošenja prijave korupcije od strane lica koja su zaposlena u institucijama i agencijama BiH uređen je Zakonom o zaštiti lica koja prijavljuju korupciju u institucijama Bosne i Hercegovine („Službeni glasnik BiH“ broj 100/13), kao i drugim relevantnim podzakonskim aktima. Navedim zakonom regulisan je status i postupak zaštite lica koja prijavljuju korupciju.

U okviru ovog poziva, s obzirom da se u stvarnosti veoma malo zna o načinima prijave

ANTIKORUPCIJSKA MREŽA U BOSNI I HERCEGOVINI - WWW.ACCOUNT.BA

NOSIOCI PROJEKTA:



Dalmatinska 1, Sarajevo BiH
tel/fax: 387 33 263 546



Skenderija 15, Sarajevo BiH
tel/fax: 387 33 209 304



USAID
OD AMERIČKOG NARODA



izvora korupcije u javnim institucijama, potrebno je napraviti sveobuhvatnu dijagnozu stanja sa analizom i preporukama za unapređenje sistema zaštite prijavitelja korupcije na entitetskom nivou kao i dati pouzdanu procjenu roka do kojeg će se entitetski “zakoni o zaštiti zviždača” usvojiti u organima zakonodavne vlasti.

Samo postojanje “zakona o zaštiti zviždača” ne predstavlja garanciju efikasne provedbe postupka zaštite lica koja prijavljuju korupciju. Zagovaranje efikasnih mehanizama zaštite prijavitelja korupcije na svim nivoima vlasti, prioritetan je zadatak ACCOUNT-a. Pri tome, ACCOUNT će raditi na: (i) javnom zagovaranju za uvođenje i primjenu efikasnih mehanizama za pravnu zaštitu prijavitelja korupcije; (ii) promoviranju inicijativa prijavitelja korupcije kroz javne kampanje civilnog društva, istraživanja, izvještavanje, kao i saradnju sa pravnim timom koji pruža besplatnu pravnu pomoć prijaviteljima korupcije zaposlenim u institucijama i agencijama u BiH.

ACCOUNT je ostvario visok stepen saradnje sa Agencijom za prevenciju korupcije i borbu protiv korupcije (APIK) s ciljem zajedničke identifikacije mogućnosti realizacije ove aktivnosti i izvedbi analize Zakona o zaštiti lica koja prijavljuju korupciju u institucijama Bosne i Hercegovine, a istu saradnju je potrebno uspostaviti sa organima izvršne i zakonodavne vlasti koji su nadležni za izradu, predlaganje i donošenje zakonskih rješenja na entitetskom nivou. Ta saradnja je važna ne samo za izradu dijagnostičke analize nego i za provedbu nalaza i preporuka analize.

Nalazi ove dijagnostičke analize doprinijet će boljoj informiranosti u smislu planiranja i provedbi budućih aktivnosti članica Mreže ACCOUNT, partnera u državnim i entiteskim institucijama i agencijama, i međunarodnih aktera, koji pružaju podršku efikasnom donošenju i primjeni zakonskih rješenja za zaštitu lica koja prijavljuju korupciju, a sve sa ciljem sprječavanja koruptivnih postupaka i borbe protiv korupcije.

2. CILJ

Cilj dijagnostičke analize je izvršiti identificiranje trenutnog proceduralnog statusa “zakona o zaštiti zviždača” na entiteskom nivou kako bi se izvršila analiza postupka izrade i procedure usvajanja ovih zakona.

ANTI KORUPCIJSKA MREŽA U BOSNI I HERCEGOVINI - WWW.ACCOUNT.BA

NOSIOCI PROJEKTA:



Dalmatinska 1, Sarajevo BiH
tel/fax: 387 33 263 546



Skenderija 15, Sarajevo BiH
tel/fax: 387 33 209 304



USAID
OD AMERIČKOG NARODA



3. OPIS POSLA

Analitički konsultant će izvršiti istraživanje, analizu i dijagnosticiranje proceduralnog statusa „zakona o zaštiti zviždača“ na entiteskom nivou sa posebnim akcentom na:

1. Analizu postojećeg pravnog okvira za zaštitu zviždača, institucionalnih kapaciteta i njihove kadrovske, materijalno tehničke i profesionalne osposobljenosti za efikasnu i efektivnu zaštitu zviždača na entitetskom nivou;
2. Izvršiti identificiranje trenutnog proceduralnog (pravnog) statusa “zakona o zaštiti zviždača” na entiteskom nivou i utvrditi stvarne i pravne razloge eventualnih nedostataka u postupcima njihove izrade, predlaganja i usvajanja te dati pouzdanu procjenu krajnjeg roka do kojeg će se isti usvojiti u organima zakonodavne vlasti.

4. VREMENSKI OKVIR

Predviđeni period angažmana je 10 dana u martu 2016. godine.

5. IZVJEŠTAVANJE I KOMUNIKACIJA

U skladu sa opisom posla, na kraju aktivnosti, analitički konsultant je dužan dostaviti Izvještaj sa nalazima i preporukama provedene dijagnostičke analize/procjene koje će biti predstavljene članicama Mreže, profesionalnoj i široj javnosti. Izvještaj treba da sadrži sažetak provedene analize, dijagnostičke nalaze i preporuke koje treba poduzeti za učinkovitiju izradu i usvajanje “zakona o zaštiti zviždača” na entitetskom nivou.

Uz konsultacije sa Udruženjem INFOHOUSE, analitički konsultant će uspostaviti saradnju sa APIK-om i organima izvršne i zakonodavne koji su nadležni za izradu, predlaganje i donošenje entiteskih zakona o zaštiti zviždača s ciljem jačanja efikasnosti, kvaliteta i legitimiteta dijagnostičke analize procesa zaštite zviždača.

ANTI KORUPCIJSKA MREŽA U BOSNI I HERCEGOVINI - WWW.ACCOUNT.BA

NOSIOCI PROJEKTA:



Dalmatinska 1, Sarajevo BiH
tel/fax: 387 33 263 546



Skenderija 15, Sarajevo BiH
tel/fax: 387 33 209 304



USAID
OD AMERIČKOG NARODA



6. KVALIFIKACIJE

Analitički konsultant treba da posjeduje sljedeće kvalifikacije:

1. Iskustvo u oblasti dijagnostičke i komparativne analize zakonskih rješenja i propisa, kao prednost će se cijeliti praktično iskustvo konsultanta u predmetnoj oblasti;
2. Iskustvo u izradi analitičkih dokumenata sa jasno definisanim i argumentiranim nalazima, mišljenjima i preporukama;
3. Poznavanje oblasti, iskustvo na sličnim poslovima u BiH i regionu će se cijeliti kao prednost kandidata;
4. Dobre komunikacijske vještine;
5. Dobre vještine prezentacije i izvještavanja

7. USLOVI

Zainteresovani kandidati treba da dostave sljedeće dokumente:

1. Aplikaciono pismo i CV
2. Prijedlog metodologije rada sa procjenom troškova (honorar, putovanja i ostali pripadajući troškovi) kao i preciznim vremenskim okvirom koji je potreban za realizaciju aktivnosti.

Krajnji rok za dostavu dokumenta je 7 dana od dana objave poziva.

Za sve dodatne informacije koje se odnose na ovaj poziv možete kontaktirati:

Amra Softić
Menadžerica za razvoj programa
Udruženje INFOHOUSE
amra@infohouse.ba
tel/fax 033 209 304, 200 538

ANTIKORUPCIJSKA MREŽA U BOSNI I HERCEGOVINI - WWW.ACCOUNT.BA

NOSIOCI PROJEKTA:



Dalmatinska 1, Sarajevo BiH
tel/fax: 387 33 263 546



Skenderija 15, Sarajevo BiH
tel/fax: 387 33 209 304